

# VALPELLINE

## Novembre

Pamì de bride,  
Pamì de son,  
Pamì de vouése.

Si pe lo bouque  
Le grouse tatse dzane é verde  
Di brenve é di pesse.

É la gnoula que trèine tanque i fon.  
Le moudzón rippon l'erba sensa couleur  
Lo lon di ri  
Belle se lo prou l'è totte a leur.

Pa eun bren d'er traverse lo siel,  
Renque lo cri d'eun courbé  
Pouzò a couti di bouéissòn.

La campagne, le-z-ommo é le bitche  
S'apreston é atègnon.  
Lo siel sombro é pezàn  
Agasse la nèi.

Areuvve lo momàn de repouzé na mia,  
De beutté si la balanse  
Le maleur é la chance  
Pe mezatté,  
Pe remersié,  
Pe démandé  
De vére arrevé l'ifourié.



lo gnalèi



Région Autonome  
**Vallée d'Aoste**  
Regione Autonoma  
**Valle d'Aosta**

Assessorat de l'Éducation  
et de la Culture  
Assessorato Istruzione  
e Cultura

Texte écrit par:  
Agnès Ansermin

Texte inédit - 2009  
Rédacteur : **Agnès Ansermin**  
Transcription : Guichet Linguistique